

Braunschweigisch Bier/Mumme
me genandt.

Dies Bier hat einen grossen vnd
Weitberhumbten Namen / vnd
man nennet s Mumme / vielleicht
von dem ersten Braver oder er-
finder des Biers / Vñ wird in dieser gros-
sen / Löblichen Stad Braunschweig / durch
eine sondere gabe GOTTes / zweyerley
Mumme gebrawet / Einfeltige vnd Sob-
belte Mumme / Die einfeltige Mumme /
ist ein guter leschtrunck des Sommers /
vñ fühlet gar wol / Die Sobbelte Mum-
me aber / ist eins guten theils besser / dann
die einfeltige / vnd erreget nicht so leicht-
lich Syfuriam / vel Stranguriam / oder die
Kalte Nierze / als die einfeltige Mumme
thut / Von dem Weissen Biere / das diese
Edle Pentapolis / oder fünff Gerichtliche
Stadt / auch brawet / ist droben gesezet /
Vnd erscheinet nu aus dem allen / das diese
schöne / herrliche Pentapolis / dreyerley
gute Biere brawet / durch sonderliche
Gottes gabē / damit diese treffliche Stad /
auch etliche gaben von Gott dem Herrn /
für andern hette / weil sie sonst so hoch bez-
humbt ist / neben Nürnberg vñ Erffurd /
das man auch von ihr spricht / in einem ge-
meinem Reim.

O Braunschweig werstu wasser reich /
Wo würd man finden deins gleich.

G iij

Denn